

KAPASEN PESEPESES REN FANSOUN CHUFENGREN ME MWIICHEICH

May 11, 2022 10:06 AM CHUKESE

Emwiicheich ngeni chiechiach, famini, me chón non neniach mei eucha fan iten an apochokuna non ekiek me tumwunun nonomwun aramas ar repwe pochokun. Non ekewe ruu ier a nó, a wate met sia kaé ngeni ren ifa usun ach sipwe tumwunu kich seni COVID-19. Kich mei tongeni anapanó emwiicheich non tumwun ren ach sipwe fori ekkoch angangen tumwun ren apetin samwau.

Akúkúnanó met mei afeiengaw ngonuk me chón non neniomw

Non ach sia kaé ngeni usun nonomwuch non ei mwun COVID-19 me pwopwuta sefan ach ochchu fengen, chechchemeni omw kopwe:

- Nomwetiw non imw ika en mi samwau. Ese pwan nifinifin ika COVID-19, ew maater, ekis samwau ren feu, mwoor, pwichikar me mwongopwet, ika eoch sokkun semwen, mei eucha omw kosapw nomw unukun ekkoch.
- Tumwunu an epwe unus omw apwosun COVID-19 me ekan apwosun maater mei tou iteiten ier. Apwosun apetin samwau ina met akon pochokun an epwe apeti waten samwau.
- Aanapa omw ténú poumw me nimeti ekewe mettoch kich mei sou atapa.



Chemeni pwe ekkoch aramas mei wate afeiengawan ngenir fan iten waten samwau

Ekieki ia kopwe nomw ia pwan ién kopwe nomw únukún. Chomwong aramas mei wate afeiengawan ngenir ren waten samwau, núwing non pioing, ika sópwonó ren COVID-19. Ekkei pisekisekin tumwun mei fitu chechan non mei tongeni tumwunu ekewe aramas mei wate afeingawan samwau ngenir, mei pachenong ekewe ra chinap, ekewe ese mwo unus ar apwos, me ekewe mei wor ar waten semwen.



- Túkútükún wón maas mei tumwunik me ekkoch aramas, akaewin nupwen COVID-19 mei watenó.
- Mwiicheich nükún ika non ekan neni mei fetaneoch fetanin asepwan (mei suuk asamwacho ika mei kusufetan saipé an epwe fetaneoch asepwan) ee tumwun nape seni ekan neni mei kúkkún non.
- Ika mei chok arapeto omw nomw únukún emon mei úri COVID-19, iwe ekieki omw kopwe éukanó omw nomw nein aramas, akaewin ika mei wate afeiengawan ngenir fan iten waten ar samwau. Katon ika epwe wor reomw ekewe esisinen samwau non 10 ran.



Súfeniti an ekkoch aramas mochen ren met ar finata faniten tumwunur.

- Ekkoch aramas mei tongeni ar repwe erenuk omw kopwe sopwenó me aea túkútükún wón maas ika ke tonong non imwer.
- Ekkoch aramas repwe mochn aea túkútükún wón maas, ika mwo ese wor chón erenir.
- Ekkoch aramas repwe chok mochen ar repwe ochchu núukún, ika nomw nein chóó kúkún aramas.
- Etiwa me apwonueta an emon me emon aramas finata ren pekin tumwun ina ew anen pwaranó pwe kich mei chungú fengeni kich.

Ekewe anúk mei tongeni epwe siwin ika epwe watenó COVID-19

Tumwunu omw kopwe sinei fetanin COVID non neniomw pwe kopwe tongeni fini meni nein ekewe angangen tumwun ika apet kopwe fori fanitomw me ekkoch. Chéúnón [COVID-19](#) mei tongeni epwe angawanó omw finata ren omw kopwe fiti ika efisi ew chufengen.

